



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De raritate exitus eius, & cum quanta disciplina stabat in choro. XI.

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

rius ei committebant, & libenter cum audiebant, auditioque co multa bona Deo placita faciebant.

2. Gaudebat igitur magister humilis charitate plenus, de frumentis animarum & spirituali profectu fratrum suorum, magnamque curam pro necessitatibus pauperum clericorum gerebat. Christum Dominum in eis venerando. Considerans autem venerabilis magister Gerardus, dilectum discipulum suum magistrum Florentium speciali deuotionis prerogativa florere; consilio sancti Spiritus inspiratus, & multorum fratrum precibus flagitatus, decreuit eundem ad sacerdotij gradum promouere. Qui tanto honore indignum se contestans, ab hoc onere humiliter petiit subleuari. Sed fratrum victus instantia, tandem magistri sui monitis resistere non audens, obedientia compeliente assensit. Factus ergo presbyter, non est elatus in gloriam humanam, sed tanto humilio in omni actu & habitu suo inventus est, quanto dignitate & ordine maior. De quo magister Gerardus tale testimonium perhibuit, dicens: Semel feci unum ordinari in presbyterum, & spero, quod dignus sit. De cætero cauebo ne leviter quid simile faciam, quia paucos ad hoc idoneos cerno. Ipse tandem dominus Florentius, sicut vere parvus & vilis in oculis suis, nil magni ex clericali ordinatione de seipso existimauit, sed inferiores etiam fratres in animo sibi præposuit, & de quodam simplici clero nondum in sacris constituto sic ait: O si pro calice meo, possem Deo offerre in iudicio, pennam illius clerici.

C A P V T XI.

De raritate exitus sui, & cum quanta disciplina stabat in choro.

I X bonis autem & honestis moribus suis, facile poterat vir D. Florentius ab ignotis & secularibus agnosciri: quod erat deuotus homo & amicus Dei, dignusq; vicarius Iesu Christi. Hic iraque prius fuit canonicus sancti Petri in Traiecto: sed illa præbenda relicta, vicariam recepit in Dauetria: ut apud magistrum Gerardum staret, eius erudiendus exemplo & doctrina. Vnde semel vni amicorum dixerat haec verba: Spero, quod non moriar canonicus, sed in humilio statu seruiam Deo. Et factum est ita, ad laudem Dei in secula. Qui cum in magna haberetur reverentia, pro sua sanctitate & abstinentia, summe tamen vitauit ab hominibus honorari. Ideoque egredi ad publicum declinauit*, & manere domi cum fratribus suis unicum solatium sibi duxit, sciens ut aliorum libi profectum, & alijs exempli stabilitatis inde prouenire. Transiens autem per plateas expeditius ibat, non res-

xens

xens alicubi longos sermones, sed breui verbo aut solo nutu capitis, satisfecit obuianti. Sed & oblatos sibi honores sic parvuspendebat exteriū, ut sāpe non aduerteret obuiantes: nec quorsum tenderent, inuestigare curaret. Vadens autem ad ecclesiam interī orabat, aut meditabatur de Deo, prout spiritus sanctus inspirabat.

2. Propter magnam autem corporis sui debilitatem & frequentes infirmitates, quas in primo fētore propter nimiam abstinentiam inciderat, non posuit quotidie chorū visitare. In magnis tamen festiuitatibus & celebritatibus Sanctorum, quantum valetudo permisit, libenter affuit vespēris & missē maiori. Cumque esset senior vicarius, in sinistro latere chori semper in inferiori stallō locum tenuit; cū tamē altissima ei sedes post canonicos competisset. Stans autem in choro, nequaquam vagis oculis circunspēctabat, sed versus ad altare, cum omni disciplina & reverentia quietissimus stabant, Deo & sibi deuotè intentus, & prout æger potuit, moderata voce, non fractis notulis psallebat. Ita morigeratus & reuerenda facie erat, vt multi pueri & cantores eum frequenter alpicerent, & religiositatem eius mirarentur; quia nihil levitatis in verbo aut motu corporis apparuit, vnde potuisse reprehendi. Et ego tunc temporis cum alijs scholariib. chorū visitare consueui, sicut iniunctū mihi fuerat à magistro Ioanne Boëme, qui scholas & chorū strenuè regebat. Quoties ergo Dominum meum Florentium in choro stantem vidi, licet ipse non circumspiceret, præsentiam tamē eius ob reverentiam status eius meruens, cauebam aliquid fabulari.

3. Et accidit aliquando, vt non longè ab eo starem in choro, verrit que se ad librum nobiscum canendo. Et stans post me, manus suas super humerum meum posuit, stetique fixus vix audens me mouere, stupens ad tantæ dignationis gratiam. Erant quoq[ue] tunc temporis in collegio Dauentriensi plures canonici & vicarij literati, ac probabilis vitæ viri, strenui & alacres ad diuinum officium debita cum laude persoluendum. Hi virum Dei magistrū Florentium, in reverentia & digno honore habentes, ipso præ, sente insolentias leues sollicitius compescabant, totusque chorus illustrabatur tanti sacerdotis disciplina.

C A P V T XII.

De simplicitate vestimentorum eius.

1. **A** Mator simplicitatis & humilitatis pius Dominus Florentius, sciens quod ornatus vestiū clericum nō facit, sed magis humilitas cordis & probitas morum, ad maiorem conscientię suæ

